山庫全幸

史部

欽定四庫全書 大水金鑑卷 「百五十位

詳校官監察御史臣王爾烈 刑部即中臣許兆椿覆勘

總校官知縣臣緣 校對官典簿臣郭祚熾 騰碌監生日李 琪

璜

しここり きこくいう 語言 條貫亦 此自明至今 不 中或 嫌其 有事蹟相同 於熊歲漕東南粟四百萬石由大 行水全偶 其鉤遼卒則自海運即元人 兩 南按察使傅澤 河 總 河經會通河出衛 處 説 械 也 博 其文 洪撰 採 諸 書 理 之其

多方四月 真安永為百世之畫者也請按黃河之原委及諸運 竭逆而隄之則此塞彼決而漫散 為禍蓋二百四十 淮交注又處有清口海口之壅順之則水直洩而漕 馬 北之喉咽天下之大命也淮泗水相迫泗州祖陵在 白河遊大通河以達於京師設為諸洪泉壩間蓋南 道海道與當代治河之得失諸家之謀議而然以管 餘年智臣謀士彼善於此者則有之未有能使橫流 河決而南則逼祖陵抑而北則妨運道引而東河 石丰 龙一

大三日事全島 矣河既合泰晉諸川其流始大至河南遂散漫泛溢 其利自河套不守民苦慮掠不得耕耨而地亦荒蕪 阻 者至山西之老牛灣河始入中國套故沃壤而寧夏 由積石八于中國逕湟中至寧夏靈州復入虜中曲 折行二十餘里名曰河套即我故東勝等地淪於虜 潛行伏地至于閬國乃分流岐出合而東注鹽澤復 見俟治河者財擇馬考郭璞稱黃河之源起崑崙山 河歷泰漢唐鑿渠引水灌種河為中國患獨此受 行水金銭

金牙以及人門 未常與淮合也自漢從頓丘 隋煬帝引汴而河始入 至山東勢益峻急衝突考之三代以前河東北入海 山口入一自儀封北折經黃陵岡蔡家口梁靖口出 遷小河口入一自寧陵南入渦經亳州蒙城懷遠荆 淮 徐州小浮橋清河縣入此河之三道也按輿地河 二門七津而上有鳴沙嶺寧夏太行諸山夾之相盤 自蘭陽東南流由杞縣睢州寧陵歸德符離橋宿 濫觴於宋熙寧澶淵之決至於今日全河入淮矣 十六 由

次定四車全書 門 殷盤庚乃數遷都以避河汜猶未徙也周定王五年 大陸播為九河同為逆河以入于海而水患始平至 底柱及孟津又東過洛內至于大伍北過洚水至于 然之勢也按禹集河自積石至龍門南至華陰東至 山河陰有廣武山亦僅障南岸一面北岸無所夾束 河徙矣猶未決也漢文帝時決酸棗自武帝築宣房 至武陟又合以伊洛沁汜之水故其下益汎濫者必 東不為患渑池孟津而下岸無山矣即河南有北邙 行水金鑑

平江伯陳瑄建壩置閘周慮力圖至今賴馬正統十 武二十四年河決原武於安山湖而元會通河故迹 六塔開二股識者病馬而借河禦敵抑又謬矣明洪 猶海運實城京已復會通河海運遂罷時河歲為變 遂 於瓠子館陶分寫屯氏後入千乘德棣之河又播爲 三年治滎陽縣自開封城北經曹濮二州陽殼縣以 八水有所洩而力分故由東京迄唐鮮有河患宋穿 湮時以海運遼餉故獨議河無議漕成祖北遷始

趨張秋出中年下尉氏溢蘭陽儀封考城歸德至宿 海東昌臨清流幾絕而漕舟遂阻羣議海沟謂河 146 與清河合而河入漕自此始弘治二年復決金龍口 景泰四年徐有貞乃更作九堰八閘以制水勢復於 主疏五年復決金龍口未幾又潰張秋促奪文水 閉封金龍口等處開渠二十里引河水自蘭陽至徐 (運河至兖州沙灣之東決大洪口諸水從之入海 瀰漫四出不可禁白昻妻性築隄鑿渠南北分而

欠らり事人皆

行水金鐘

を見て 营於 徐州流入運河又從黄河南藩孫家渡口 口禁壩堰十餘并築大名府三尖口等處長隄二百 史劉大夏治之發丁夫數萬於黃陵岡南滌賈魯河 可復當復海運而朝議弗是也命平江伯陳銳都 道源水南行由中年至賴州東入於淮又據四府 河口 帶分殺水勢下由梁靖口至丁家道口會黃河出 儿人 河由陳留縣至歸德州分為二派一由宿遣縣 一由毫縣遇河會於淮又從黃陵尚至楊家 卷一 别 開 斩 御 河

豐沛命官塞之十二年溢武城縣壞城廓田廬命官 家口合而南注遂決楊家口道曹單二縣城下直 餘里及修南岸于家店筒瓦箱等處隄一百六十里 壩分五洞以洩水勢正德四年溢皮抓營決曹縣之 始塞張秋決口更名曰安平鎮又於河東置滅水石 **隄循運河大隄東南行而賈魯河下流淤塞亦出張** 衝黃陵岡埽壩溢入賈魯河敗張家口等處縷水小 温家口馮家口等處又扎從至儀封縣小宋集而決 超

欠三日年 产品

行水金锰

舊城隄百四十餘里以塞入湖之道又澹趙皮寨孫 災異罷役命官即故道瀘之修築單縣林臺至沛 家莊等處命官發丁夫數萬於昭陽湖東北起汪家 官力滹之僅通舟楫六年復寒老和尚寺八里屯張 修濬嘉靖五年上流雕溢東北至沛縣廟道口截運 河之出飛雲橋者漫而北泥沙填於豆數十里管河 河至雞鳴臺口入昭陽湖汶泗南下之水從而東而 南抵留城口改鑿新河以避黄河衝塞之患尋以 縣

金万四屋台書

里十六年鑿地丘店野雞岡等上流支河四十餘里 築睢州張見口至歸德州長隄百餘里以禦泛派尋 十九年漆睢州孫繼口至丁家道口淤河五十里二 金鄉魚臺出殼亭口命官溶趙皮寨抵寧陵故道及 家渡口殺上流之勢沛漕復通九年自沛北徙横流 里又於曹縣八里灣抵單縣侯家林築長限八十 河流改遷罷役十四年第岔河口樓水限一道長 年又鑿野雞岡上流李景高等口支河三萬河 行水金鑑

欠己日華上

金厂口厅 曹縣溢入武城金鄉魚臺單縣漂獨甚東命總理河 縣等處不果三十一年又決房村至曲頭焦凡決 适 東注以濟二洪二十四年由野雞岡決而南注泗 合准入海遂溢蒙城五河臨淮等縣二十五年又決 三十七年於新集趨段家口析為六支入運河又由 處於四十餘里命官澹之役夫五萬餘三閱月而成 一都御史會同南北直隸山東河南撫按官議築曹 山趨郭貫樓析爲五支出小浮橋會徐州洪四 起一百五十 州 四

钦定四庫全書 者使盡歸泰溝魚沛横流始絕惟茶城時有淺阻隆 湖 慶四年又決邳州注睢寧出小河口自曹家口至直 乃接六年所鑿故迹役夫澹之爲南陽新河又疏舊 **提自徐却至宿遷三百七十里萬歷元年茶城復於** 河於百餘里命官潘之復故渠盡塞諸決口六年祭 河自留城至境山义隄馬家橋遏河流之出飛雲橋 四年郭賞樓於遂決華山出飛雲橋截沛以入昭 北泛湖陵城孟陽泊至殼亭南溢於徐命官往 行水金值 陽

草灣漢河自安東縣後至金城五港入海然泛 墊馬議者又開支河潺海口督漕都御史潘季馴恐 故曹豐徐邳之間隨塞隨決五年泰溝復於自崔家 修建境山閘并設房村等處隄岸及築遥隄四年開 行相視築堰以捍淮東侵築限以制 漫 自九里溝詣安山歷符離出小 歷北陳鴈門集等處至九里山出小浮橋其一支 湖泊間桃源以下故渠多淺入海之路大阻淮安 河口而崔鎮大決散 河南溢嚴五 滥

たこう正 とこう 築以為 清 築兩崖地窪者各增築原隄短處防護木周者連 U 長垣之大社集毛家口茶城又報淤矣十六年諸 五年決祥符劉獸醫口決蘭陽銅瓦廂決封丘 皆已塞於者漸疏通十七年復決雙溝單家口 閉使河内不得衛間而蝕漕諸縷 堤迎河者 畢展 日日 無恐矣然隄堰雖堅而疏濬無法以致流沙日壅 於四陵水患實基於此十四年河決范口十 即有異常泛溢縷限不支至選隄而極可 行水金鍋 原武 接 恃

金分四周分書 宿遷萬郵泛漲泗州幾成魚鱉之鄉祖陵松栢稿於 是專議築趙皮寨至李景高口遥隄将軍廟至塔山 闢清口之沙以菓淮正流上開周家橋下通金家灣 河臣力主分黃開桃源縣之黃家壩三十里下五港 河復大爲患決汶上決魚臺決濟寧決鉅野決邳 長隄築羊山至土山 横隄河防幸無事至二十一年 水者過半皇上震怒急遣科臣荒度之至冬水涸時 入海漕臣楮鉄按臣牛應元議廣疏入海之途盡

欠已日長 白馬 而 告阻數十萬金錢又置烏有矣鬱鬱祖陵蛟龍將騁 塞比晉大司空假手代事者挑三山台趙家圏旋即 亦云當乘伏落以挑淺塞黄堌節制黄流依然東注 有矣漕臣曰黄堌不塞必爲祖陵憂為運道梗按臣 也乃黄不之所分之路而之黄堌數十萬金錢置烏 以洩淮精浮固無事過爲分黃者而河臣必欲分之 徐邳中流翦馬幾斷河臣劉東星以憂死皇上又赫 河臣弗聽也置黃身之高於不完黃烟之決於不 行水金偶

完且堅也今蒙墻衝決黃水漫入五河與淮會合經 出宿遷白洋河無爲陵患又慮徐沛一帶河道淺澀 首鋪至東關築限三十餘里障水東行俾由符離橋 然震怒斥大司空簡河臣李頤往視事條利便以聞 絕黄流自歸德至永城築隄二百三十里自宿州界 泗州下洪澤至秋水發深爲可虞爰議接築汴隄遏 在因其緩急曩祖陵所恃歸仁隄以爲捍蔽未嘗不 又以憂勞病殞再簡曾如春時議以爲治有標有本

金芡巴屋有量

てこりえ 重運又有謂開潘家樓口接徐家口矣有謂開小 利永矣而力主開王家口者總河也按王家口下達 姑捐東方之地徐觀其勢之所歸因而導之力寡而 故道矣有謂開艮河矣又有謂水之力大不宜與爭 間七座中間二座并挑落河身廣蓄泗汶泉流以濟 李吉口經唐家口小浮橋入徐邳宿遷其問應挑應 河接孫家灣矣有謂開何家營從趙家圈復賈魯河 議自鎮口以裏至宿遷縣磨兒莊傲閘河規制建大 1117 行水金温

州之民不爲魚也獨計蒙墻口其奔逸之河也王家 **隄壩令逼向東流或多築滚水石壩漁餘流歸白河** 殺其勢約以兩春告成蓋將使陵運水無水患而中 夫一十二萬餘或高築隄岸以防南逸或堅築截河 口其未成之河也河已南而挽之使東其勢非東方 以減新河之漲或於王家口一河之外別求支流以 築應塞計四百里有竒夫埽料約銀一百四十萬派 之盡下不可且王家口地視黃河水面髙者至丈餘

多为四周分書

ここう 日下 とから 州九里溝以上而徐邳一帶全河門户運道襟喉先 勝於築者不勝漬開河而實無河也且所勘者止徐 因黃堌口決分奪全河之水嗣因蒙墙口決盡奪全 則水不吞入引之而流不來刷之而衝不去鑿者不 矣新河髙而舊河下則水不奔趨新口小而舊口大 河之水致一望平壤所在膠舟不聞一勘馬議者又 /亦不下五六尺所開新河闊不過二十丈深不過 **丈五尺此與黃河比大絜深其不可同年語也明** 行水金銭

必因川澤力半功倍馬而議者又以復費魯河不便 謂賈魯 家口已無迎溜之勢旋開郭遂莊以達下劉口矣或 水面以上尚高二文餘其間磨兒莊雖稍有於灘全 未有不順流而東者又一 河俱在畧加修澹黄河一到可無阻碍誠大加展闊 曰自大浮橋以至邳州河身深闊不減昔日呂梁洪 河南開王家口便於河南不便於山東噫苟有利 河蒙墙黄烟二決口之水俱入其中爲下 說也然總 河議纔兩月

多分四屋

白重

言哉今奈何爲一方擇便也矧開河易塞河難塞決 請於二股西置上約辦水令東流既深即塞北流放 北流孰輕孰重光曰兩地皆王民無輕重真仁人之 南山東而中於陵運也昔宋熙寧河決恩州司馬光 之水災頻仍河南之阽危轉甚矧其禍又不獨在河 不能東其溢石壩不能攢其流灌城郭漂人民山東 於社稷安問其河南與山東也第恐水勢難强南隄 河胡盧獨下以紓恩冀深羸以西之患帝曰東流

火足四華 全勢

行水金鑑

海之路以去如永樂景泰故事是漕舟不通而咽喉 孟津可乎夫新河既成不塞黄河則水勢有所專趨 郭王延世之徒猶且却步而不敢前顧欲捧土而塞 水決裂四出若黄陵岡一決則水渰漕河奪汶齊 全塞即稍壅之其上流銅瓦廂芝麻莊黄陵岡諸處 上十五里其河則黄河也不辨牛馬望洋向岩即汲 河易塞千百年之黄河難今王家口在蒙墙決口之 河終為淤澱是棄前功也塞之又難爲力也無論

神山泉過榆河會一畝馬眼諸泉滙為七里樂東賞 盡塞視今日黃河雖南而小股河李吉口涓涓之流 都城由大通橋而下至通州高麗莊入白河長一百 **大通河即潞河售為通惠河其源出昌平州白浮村** 通而傍決復塞則愈決愈上此往事之明鑒以 猶可下通徐州建閘濟運其事勢不侔矣且夫李吉 六十餘里元初所鳖賜名通惠每十里爲一閘蓄水 口於而黃掴口決黃掴口半塞而蒙墻口決下決未 明 F 俱

欠三日年 とき

行水金鑑

金吳世居台雪 徳間累疏功不果就嘉靖六年自大通橋起至通州 存者仍設官夫守視然不以轉漕河流漸淤成化正 通舟以免漕運陸輓之勞國朝永樂以來諸閘猶多 蓄水每閘各設官吏共編夫一百八十名造剥船三 白河南去通州二百里其源出胡地經密雲縣合大 石壩四十里地勢高下四丈中問設慶豐等五閘以 通榆渾諸河凡三百六十里至直沽會衛河入海源 百隻分置各閘使製布囊盛米雇役過相轉輸

たとり見という 丁夫修築屢築屢決正統三年官相視地勢自河西 南運河沒鋪以次而設 置夫甲專管挑落舟過則招呼使避淺而行自此而 務徑二十里改鑿順下河遂安流每於淺處設鋪舍 遠流迅河皆溜沙每夏秋暴派最易衝决每決軟發 淇漳諸水過臨漳分為二其一北出經大名至武邑 衛河舊名御河源出河南之輝縣蘇門山東北流會 以入滹沱其一東流經大名東北出臨清至直沽會 行水食鍋

金片口 安民山一百五十里復自安民山之西南開渠由壽 由舊曹州鄆城 會通河自臨清迤南至濟寧州元初由任城開渠至 白河入海長二千餘里今為運河此河自徳州而 漸與海近河狹地早易於衝決 絕濟直歸漳衛洪武二十四年河決原武縣黑陽山 張西北至東昌又西北至臨清凡二百五十里引汶 水樂九年因海運製阻疏鑿元人故道乃於東平 压石雪 縣两河口漫過安山湖而會通漸於

戴村汶水入海處築一土壩橫亘五里遏汶水使西 静封鎮合流曰大汶河出祖來山之陽而小汶來會 汶河 達臨清自後添設新開修築舊岸大為漕運之利 流盡出南旺分流四分往南接濟徐呂六分往北 仙臺嶺一出菜蕪縣原山一出 經寧陽縣北埋城歷汶上東平東阿又東北流入海 元於堽城之左築壩過汶入洗南流至濟寧合沂 一出新泰縣宮山之下曰小汶河一出泰安 縣寨子村俱至州之)]] 以

欠足囚事全些

*

行水金號

金写せたと言 淮 寧城東與四合出天井閘 流 洸 河 於是洸沂泗自會濟而汶不復通洸今沂州亦有汶 水以達於淮自永樂問築戴村壩汶水盡出南 又循縣南流三十里會寧陽諸泉又六十里經濟 河乃汶水之支流出寧陽縣北三十里埋城西南 河 河源出曲阜縣尼山西南分流為二一西流至 出蒙山東澗谷一 夫 一出沂水縣南山谷俱入邳 百五 河 旺

た民可国とき 家莊間冬春水微則閉閘令由黑風口東經究城 城東又南流經横河與沂水合元時於兖州東門 夏秋水長則改開放使南流會沂水由捲里河出 五里金口作壩建閘過四之南趨國 出沂水縣艾山者會蒙陰沂水諸泉與沂山之汶合 泗 口壩上即與四會一南流亦與四會出堪里河又有 河源出泗水 至邳州入淮 縣陪尾山四泉並發西流至兖州府 行水金编 朝因而修築每 <u>;</u> 師

金岁四月月十 或見東出于陷丘北又東北會于汶今在汶上縣北 會通河 濟河出王屋山至河南濟源縣二源合流其水或伏 濟又南流會洗水至濟寧出天井閘 呂二洪每年水勢淺深尺寸管洪官按季奏報前 原武縣黑陽山與河汴合流至徐州入運河以濟徐 沁河出山西沁源縣綿山東谷由太行山麓至河南 ,名大清河元人作金口壩旁有河西通濟流並入

東北由紅荆口經衛輝凡六十里與衛通天順七年 衛之故道始湮 常引沁以通衛正統以前其支流猶自武陟山原村 售河五十三里儿役夫九萬一千有竒八閱月而成 新河在昭陽湖之東起南陽至留城一百四十一里 河超陳顏入淮乃開沁以達徐復引河以合泗而入 四年復決乃因舊跡疏鑿又起留城至境山溶復 十八步嘉靖六年以河決命官開游重成而止四 行水余鑑

た子り 見 C とう

隆慶元年山水衝決復於新河之三河口乃經理沙河以居分 成又為三河口石壩一座南陽湖石隄三十餘里凡 魚口築黃甫壩引沙河由滿家湖入南陽湖次年 呂孟湖出地浜溝築宋家壩引沙河由尹家湖出鮎 薛上流各開支流築黃家口多東溝等壩引薛河由 溝廢渠達李家口回回慕而東出留城閘計六十餘 年又於昭陽湖以東沙薛二水所從入舊河處開鴻 建閘九築壩十三減水閘二十開支河九十六里三 工

金河巴居石雪

塞舊漕使水專一而不分建豎壩閘使水潴蓄而不 言官優請舒應龍創開韓莊渠分洩湖流續劉東星 東汶泗沂費滕峰諸山水鍾馬為徐邳索鑰引泉水 分委諸臣併力疏闢又開黃泥灣支渠節縮湖流築 可避哉河之險隆慶中朱衡建議下羣臣熟計嗣是 以達呂湖引湖水以入泇河由宿遷出口與淮流接 加河自邳州抵夏鎮凡二百三十里中微湖沂河兖 里積水俱有宣洩勝沛利之

欠定四百五年

行水金銭

合クロルノニ 海運起於元巴延其議三變終元之世賴之京師即 渠不過十數里費金錢不過數萬憚此數十里之製 而說者以開韓莊之山礓不過數十里鑿梁城之山 洩然河狹微有土山第便輕舟其下版石人力難施 十百萬於洪濤漭瀁之中孰難孰易況設閘必須用 而日與黄河争數千里之利惜此數萬之費而歲置 石則開鑿亦非虛糜矣 兀故都北以居庸巫閭為城南以大海為池轉運之

潮远腿殿之期以爲趨避自可無患且元人海運所 無山可避若自准安而東由登萊泊天津中多島嶼 知海人行海亦猶陸人行陸其習知島嶼以灣泊審 以有失者起太倉嘉定通而北茫洋萬里風濟巨測 之與圖中所以屢議屢格者不過動色於風濤耳不 循元之故道以會通河成遂罷丘濟當極言海運之 路淮安爲中樞河運為左翼海運爲右翼永樂中尚 而雅洪先訪其道里島嶼若風雨雲日之占驗載

たこうらしたう

行水余编

金岗四屆全書 密縣至膠州分為二流北流西河入東之海倉口以 海運故道稽之往蹟平度州東南有南北新河源出 宜巡膠菜訪其遺跡為圖表之副使王獻力主其說 而成則水淺之証海運必通膠萊與地圖云登萊本 遂有膠菜之役自南口起麻灣北口至海倉口相距 千里之險今壩間遺址尚在嘉靖十一年御史方遠 其自膠抵萊故名膠萊元時所濟可避運東海運數 可以避風而登州有海市云是石與水氣相搏映四月月 Ð

潘者一百三十餘里中有分水 前開鑿雖難止三十 其詳且謂糈不過數萬役可借班軍不煩他勞費二 里耳河成漕由淮安清江浦歷新壩口馬家壕麻灣 水成山諸險功垂成會獻去官中罷今故老猶能道 即海行止由海套不泛大洋歷劉家蓬萊島沙門黑 三百三十五里兩口舊貯潮水不假溶者二百餘里 口海倉口徑抵天津直沽凡一千六百里半從河行

大三日巨白手

年可告成功與河運遞用此塞則彼運彼塞則此

行水金编

金岁正屋石量 者謂隆慶中王宗沐當行之訴刺籍籍會再運三百 連 艘壞而罷然河勢湍悍適逢其怒不啻海波之惡閘 云古黄河自孟河至懷慶東北入海今衛河自衞 河中两舟難並魚貫逆避一夫大呼萬櫓俱停一舟 仍設重兵屯守膠萊海次衞漕防倭亦一巨鎮也 河陰原武之間審視形便導河入衛以達於臨清天 縣至臨清天津入於海則猶古黄河故道莫若於 觸數舟並壞較之海運利害亦相當矣抑霍韜有

とこりにとう 馬可免濟寧高源淺溫之製又一說也淮安之東南 樊村安山諸湖但封浚泉源修築隄岸疏河中積沙 **黄綰又云漕河發源皆自山東不資於河南旺馬場** 秋水迅仍由徐沛以達臨清是一舉而得兩運道也 冬夏水平則由江入淮沂流至於河陰順流達衞夏 津不惟徐沛之流可殺其半而京師形勝所壯百倍 以深蓄湖水則湖外長溝馬房南至鉤兒口北至安 即宋之梁山泊也地形窪下較諸湖水低改漕 行水全機

金牙四月有量 清 湖 實應縣槐角樓南諸湖 運道所經湖東有限長三十餘里其南萬郵邵伯等 有髙家堰永樂問通淮河為運道築隄堰上以 里建嗣通為啓閉而築壩以殺水 水東侵又自府北鑿河蓄諸湖水南接清口凡六 皆有石限運船觸限多敗溺弘治三年於高郵追 江浦至烏沙 河以避其險曰康濟河嘉靖五年於汜光湖 河匯管家白馬二湖 相接西抵泗 勢自清口 州 **隄黃浦八溪** 盱眙 引淮為 縣界皆 防 淮

東開新河三十餘里以避視角樓一帶之險曰弘濟 故又名百步洪去徐州東南六十里有呂梁洪上下 **黄河為運道之最險曰徐州洪亂石峭立幾百餘步** 便河皆由江達淮之運道也 河蓋實應諸湖隄岸相接其有溝可通注於海者置 東開新河三十里康濟河遊棄萬歷十二年又於隄 問以防其洩又南則為儀真之上下江口及瓜洲 洪相距七里亦運道要害萬歷十一年議由昭靈

CEU目115

行水介稿

銀気口屋 能為災亦能為利者也故不知河之利者則不能抑 回南 士奇曰河源起北紀之首曰北河江源起南紀之首 閘 耕之土分畦列畛畝自為澮頃共為渠疏而成川窪 河之害禹平水土亦盡力溝洫而稷成之東南無不 祠南黄河出口歷羊山內華山梁山接境山開河設 源 雖長未若江廣而為患最大治無善策何哉夫河 以避戚港之溜 河江始岷山浸至楚荆波濤沟湧奔流赴海河 白量

沿江圩田重重連限即有衝決距至百損故能束横 耕飲皆治水之日家家自力本業皆治水之人試觀 乎又謂西北不可以稻則三代之盛都於冀雅曷當 謀則寧夏之沿河套地最號沃壤神何獨庇此一方 溢 不為利遂反為害稍賜則傾寫而無所停淫雨則肆 流而注之海而利九害一西北多荒土種亦泰麥水 而成淵漏者坊塞者濬四野溝洫皆治水之處三時 而無所約桑海時變聽之河伯而曰神不可以人 行水全值

欠足四年在時

海波甚險而閨粵鏡澳全以航海致富以為島夷足 里之民各因其利而不煩官府之鳩此執要之理也 驟而嘗試逆施而倒行者又相萬也海運之法以爲 土箸之民各識其水性因以順為功其與不習之吏 各有所用而不至助河爲暴此十全之利也使方干 田受一分之利即治河減一分之患使方千里之水 仰給東南夫天人互勝損益相生利害旋轉者也墾 虞而當元季世猶能什達六七嗟夫非常之原世之

金罗里西人三百

魚乎若夫彼此顧思首尾牽制較利害於毫毛而 漕此必然之勢亦自然之利也計今獨四陵不得不 者乎然海運不可復而膠萊故道宜備緩急墾田不 其必由之道亦如南江展幾一方病而諸郡猶不為 嚴為限其他無分河南山東第相河必下之勢以成 所驚也即十全之墾田猶病阻格況海運利害然馬 終潰舍河議漕河決而漕并壞故分支導河因河為 可與而沿河諸邑亦宜廣疏通遺派治河派壅而 河

大江里車 全十

行水金銀

行水金鑑卷一百五十六 居高之民得以舟濟以上俱 愚民不可與處始請公以身先之公以予為迂憚弗 過徐相水之勢必決入城語分巡公急移民出而以 徙也未踰年而河夜決盈城半為魚矣公舎居惠與 功漏危旋塞而隨裂此無異於捧土為戲者也余前 權重大取旦夕之苟安而不計久遠石城强鑿而問 明 副書

金写せがる言言

欠色の巨全島 钦定四庫全書 鄉縣歷曹武入河南界開挑 適新水汎漫兩崖無土工力難施乃捨舟陸行繇 霓里慮事臣歷魚臺縣按視新隄工程及黃河水勢 總理河道都御史戴時宗上疏為備陳黄河事宜以 行水金鑑卷一百五十七 兩 河總說 行水企鑑 江南按察使傅澤洪撰 梁靖口通實魯舊河 金 關

道阻患陛下日夕優勤乃用言官議不以臣愚不肖 謬承其任臣圖報無方不敢愛死雖溽暑馳驅豈敢 魚臺出沙河驛泊雞鳴臺往來魚沛問督築新段決 趙皮塞越汴梁抵孫家渡隨處分派丁夫督以官屬 解勞即今各處工程雖未報功而始終本末已得梗 舟黃河中流遍觀大名等府舊當決處返棹曹單循 蓋欲疏露上流分殺水勢徐為下流築蹇之計乃放 口時已六月盡問美臣竊伏自念項者黃河變遷運

來往皆以魚臺水勢沟沟似不可為乃今觀之殊有 北自天津南至豐沛無尺寸地無黄河故道其在當 **未可亟去臣請終言其說夫黃河遷徙自古不常今** 故耳聞不如目見意料不如身親今議者欲尋故道 未然夫天下之事可以遥斷者理而不可遥定者形 縣用敢預先上陳庶幾稍寬陛下宵旰之憂亦臣區 而不知故道之未可盡復欲除近患而不知近患之 區犬馬之微誠也臣初受任時訪求士大夫及道途

史包马車在時

行水金鑑

金厂口 求河之故道則禹貢時九河乃在河間滄定間隋引 時無不受其害者古今言治河者俱無上策唯漢賈 讓言不與河爭尺寸之地先儒韙之以為至論今必 路絕惟淮流如故然已非向者之舊漢唐皆都關中 河水入汴南達江淮又引河鑿渠北通涿郡今涿水 邊糜費若等然自始迄終河患莫絕我朝定問無都 不借河水之用宋以都汴切近河災其防河與防北 切漕運取給東南自淮達徐皆藉河水之力往年 A TIME 卷一百五

次定四事全書 東北岸如防盜賊意固有在然猶未也又必如議者 力自開封府筒瓦廂以至考城縣流通集等處防守 梗運道東究以下必皆阨塞故國家立法盡三省之 東平張秋入海爲力甚易魚臺之水涸可立待然中 河東北岸比西南低下不啻四五尺若引而決之縣 非旬月可至此河水不可無之明驗也臣到河南見 旱不雨運道幾涸濟寧以南若無魚臺之水則漕舟 河入豐沛沽頭上下諸閘皆廢而舟楫反利今年天 行水金铝

治年間河溢曹單湮没一二十年至正德年間 復者此也河水所至必為民患今不暇遠舉且如弘 禹復治必不用往日之法矣臣所謂故道之不可盡 之大者也昔者禹治九河不過達海而止古今以行 海底幾河患水絕然恐徐淮以下一 豐沛而後曹單之患息又一二十年至前年夏秋復 所無事稱之今欲治河之患而又欲借以濟吾用使 之說地道變遷九河可復縣鄭衞滄景以至天津 带皆涸尤不可 河徙

表一石五

日兩地皆吾赤子然北流已殘破而東流尚完議者 流深廣然後徐議神宗曰東北流之患孰爲重輕光 决滄景司馬光議棄北流而治東流以俟二三年河 息肩又欲引水而灌注之民其謂何告宋神宗時河 過移魚臺之患於豐沛是一患未除而 從魚臺而後豐沛之患息今飛雲橋路絕髙過平地 夫河水驟至名曰天災人猶嗷嗷今豐沛之民方且 又純是於沙人力難施決無復通之理縱使復通不 思復生也

火足司事全事 1

行水金鑑

金ケセラノニー 此 宜 部侍郎金純看視河勢發河南運木丁夫開潘故道 河水以通梁晉之粟永樂九年太宗文皇帝復命刑 家莊石佛諸閘又開濟寧州西耐牢坡接 開 以神宗所問有君人之度而司馬光所見得權時 魚臺縣太祖高皇帝用兵梁晉間使大将軍徐達 也臣歷考河志洪武元年河決舊曹州自雙河 塌場口入於泗以通運道後因河口塞淤乃修師 接古酌今何以異此臣所謂近患之未可亟去者 引曹耶

治魚臺之患必先治魚臺所以致患之本欲治魚臺 渦河出懷遠一繇趙皮寨出桃源 與運道為鄰惟有西南流一絲孫家渡出壽州一 則魚臺乃河之故道議者偶未之考耳為今之計欲 太祖時故事今所謂永通廣運二閘是也繇此言之 自開封引水復入魚臺塌場口出穀亭北十里以修 致患之本必委魚臺以為受水之地蓋河之東北岸 小浮橋往年四道俱塞而以全河南奔故豐沛 縣梁靖口出徐 繇

处是马車全套

行水分额

金ケビ 易為力既免勞費無益之憂且無東奔西突之患其 自殺其說一也臣初到魚臺夏麥已収新水適至被 **木者先正其本潘流者先篡其源上源既分而下流** 欲暫委魚臺而不治者其說有三其策亦有三夫治 臣恐魚臺之患不在豐沛必在曹單間矣然臣所以 單魚臺以次受害今不治其本而欲急除魚臺之患 不大病其説二也河流既久將自成渠因而滇之當 水之鄉已為棄地縱欲耕種須待明年今歳不治民

だとうで

完以此未敢具奏惟孫家渡雖已挑通而行水尚少 河勢已殺十之三四然魚臺之水所以未即消者以 容乃至漫入夏邑此二河皆上年所未有之事大約 皮寨河口舊止五十餘步今已間一里許下流不能 六月初五日又將趙皮寨加闢深廣但魚臺之功未 山陝巨商往來汴梁者皆繇小浮橋直沂梁靖口趙 方議開潘渦河一 說三也五月二十二日臣已將梁靖口開通賈魯河 道議者以中經祖陵未敢輕舉今

火足日草人生

行水分铝

多けでたんごし **大名府杜勝集等處相對梁靖口與曹州娘娘廟考** 多然皆汎漫實未成河其趙皮寨與開封府筒瓦廂 應變而已候秋水稍落之後另議 水 及盛應期所 前人議築新限横旦其東無所於沒故也臣初 即已病之今議於新隄開設水門數處使入昭陽 縣流通集等處相對臣已預戒官夫重加接帰 可以少平然一時木石俱難卒辨 挑新 河出金溝留城境山底幾西岸之 ij 與工魚臺之水雖 聊以 格常推 到時 胡

附 以濟吾運道之不足如往年河出豐沛沽頭上下諸 既通孫家渡冬月可完雖渦河 此魚臺之水下壅之時逼之使西南流一 問曾因大水糧運皆蘇此行比與濟寧諸閘近便甚 今永通廣運二間俱存間夫編設如故嘉靖六七年 則候其河流漸深河渠漸廣因而通塌場口故道 不事啓閉而舟楫通利一策也萬一溢出穀亭以 一出魚臺四道並行其勢已弱則所來之水反足 道方在别議然以 策也二河

改定四車全書

行水全化

分りせ 萬一此後果如愚慮出臣前策則河有西南之漸永 送料於三策之中但審觀事勢為今之計不過如此 說牙此三策故臣斷然以賈讓司馬光之言為可行 多此可以復國初之舊又何患馬一 足資運道之利亦其次也臣才識廷疎不遠前人而 無運道之虞固其上也出臣後策則借此河水之力 然臣私憂過計黃河變遷自古不常以臣之愚豈能 又承此久殘極弊之餘東馳西驅奔救未及伏望陛 策也夫有前

臺大將軍徐達開塌場口入於泗以通運時戴村未 壩汶由坎河注海運阻故引河入塌場以濟之二十 通考 憂以享和平之福臣不勝惓惓願望候命之至 馬之力以報陛下知遇之思尤望陛下少寬南顧之 國朝黃河入運洪武元年河決曹州從雙河口入魚 勿大臣恭議可否使臣 得以一意從事庭幾少畢大 嘉靖十一年兹以 下鑒臣愚慮察臣愚忠不棄獨言不感流議特與密 截公之疏實録已載其器任黃河二十三卷 其言黃運 桐 計) خ. 敌 又備錄 於

欠己の巨人という

行水全貓

役丁夫一十六萬五十濟會通河乃開新河自汶上 於永樂九年以濟寧州同 塞之弗績景泰四年都御史徐有貞役丁夫五萬 陽衝張秋尚書石璞侍郎王永和都御史王文相 月而成績侍郎金純從汴城金龍口下達塌場口經 縣表家口左徙二十里至壽張之沙灣接舊河九閱 四年河決陽武東南由陳顏入淮 二洪南入淮漕事定為羅海運正統十三年河決滎 分口 潘叔正言命尚書宋禮 而故元會通河悉

金岁也是人言是

Б Б 次定四車全書 人 役丁夫二十五萬塞之弘治五年復決金龍口清黃 治三年河決原武支流為三一決封丘金龍口浸祥 陵岡再犯張秋侍郎陳政治之弗績六年訛言沸騰 封考城歸徳入於宿以布 符下曹濮衝張秋長隄一出中牟下尉氏一氾濫儀 千作九堰八閘以制水势塞之凡十有八月而成弘 朝議弗之是也乃命都 有云河不可治宜復海運有云陸運雖費的事亦 行かな出 御史劉大夏平江伯陳銳 政使徐恪言命侍郎白昂

歳 渦 由中牟至頓川東入於淮 四 千有奇塞垂成暴漲潰之嚴以憂去侍郎李銓代之 至 丁夫十二萬有奇 Ŋ 月 飛雲橋入運患之工部 計河工矣正德四 歸德分為二派一由宿避小河口入淮 河 弗 入淮分土命工始塞張秋二年告成自是 績盜 起而罷七年都 潺孫家渡口 年 河東決曹縣楊家口 侍郎崔嚴役丁夫四萬二 **潘四府營於** 紐 開 劉愷築大門自魏 新 河渠水南行 河山 一由亳州 趨 陳 沛 河 南 縣

次足四軍全十二 亭舟行閘面九年由單縣侯家林決塌揚口衝穀亭 **閱月朝議不一罷之八年飛雲橋之水北徒魚臺穀** 盛應期開趙皮寨白河諸支流殺水勢役丁夫五萬 呉士舉莊衝雞鳴臺七年於廟道口三十里都御史 十里續之嘉靖六年河決曹單城武楊家口梁请 家灣起至雙堌集亘八十餘里都御史趙璜又院三 千三月而成乃議開夏村新河役夫九萬八千 一年十二年水竟不耗十三年廟道口淤都 行水金丝

轉向東 道 涸 貍」 月始成而忽由趙皮寨向亳泗俄 洪趙皮寨俄塞十九 淮二洪大 引水出徐濟洪役丁夫七萬有奇八 秋冬忽自 漸 天和役丁夫一十四萬三十九百九十四潘之四 奔岔河口東出殼亭之流遂絕 流 涸兵 經 河南夏邑縣太 簫 部侍 縣城之南 郎 年決野雞 王以於開孝景高支河 **瓜** 仍出徐州小 岡山 村 **驟溢而東向梁請** 運 諸 集攻 月而成尋於 渦 河 浮 於 河經亳州 為橋下濟 開 洪 数 阻

五

欠にの長 という 成大河而新集河由曹縣循夏邑丁家道司家道出 村約派三十里都御史曽釣役丁夫五萬六千有竒 蕭 潳之二月而成三十七年新集於七月忽向東北衝 河 趨東北段家口析為六股曰大溜溝小溜溝秦溝濁 一十六年決曹縣衝穀亭運河不淤三十二年決房 堅城集下郭貫樓又析五小股為龍溝母 胭脂溝飛雲橋俱由運河至徐洪又分一股由楊 縣薊門由小浮橋入洪七月淤凡二百五十餘里 行水金铁 河梁樓

流遂不淤然分多則水力弱水力 溝楊氏溝胡店溝亦由小浮橋會徐洪河分為十 東馬村集漫入秦溝接大小溜溝泛濫入運 沙 四十四年七月河果大淤郭贯樓淤平全河逆行自 徐 州北 股内南之一 河至徐州俱入北股至曹縣崇朴集而下北向分 大股自華山向東北由三教堂出飛雲橋而 一遠豐縣華山北又分二股南之一 一遠沛 縣威山徐州楊家集入秦溝至 弱則併於之幾也 一自華山 河连徐

金为口屋台量

交足口事上 同 月少保尚書朱衡乃請開盛應期新河潳留城舊 湖 丁夫九萬一千八閱月而成七月 分十三股或横截或逆流入漕河至湖陵城口漫散 始南趨泰溝冬沛流遂斷隆慶元年正月河南 而運河亦由 里有奇濟舊河自留城達境山五十三里有奇 都 坡達徐從沙河至二洪浩渺無際而 御史潘孝馴開新 湖陵城口 行水金銀 河自南陽達留城一 湖 坡九月馬家橋提成 河復決沛縣 河發極矣八 一百四 衝 河

濁河鷄爪溝入洪二年專由泰溝入洪而河南北諸 枝流既散幹流遂微乃於自匙頭灣八十里而河 曹家口青羊口南決關家口曲頭集口馬家淺口問 家口張擺渡口王家口房家口白浪淺口凡十一口 支河悉併流泰溝三年四年河大漲徐州上下悉為 不得下又不得決五年乃自雙溝而下北決油房口 巨浸舟行梁山之麓而茶城至呂梁兩崖爲山所東 極矣議者欲棄幹河而行舟於曲頭集大枝間

金万里尼人司官

徐邳河役丁夫五萬有奇分工畫地而築之夏四月 書朱衡兵部侍郎萬恭至悉罷膠加之議而一意事 南隄起離林鋪运宿遷之小河口六年二月少保尚 復明年議大隄兩崖北隄起磨臍溝迄邳州之直河 遂塞十一口併衝口溝大疏渠而八十里之故道新 都御史潘季馴乃役丁夫五萬開匙頭灣僅懂一溝 又議棄黄河運而膠河加河海運紛沓馬莫可歸 初水落則幹已平沙而枝復阻淺損漕舟干有竒則

欠足可養於

行水金錐

金欠也是人 與其痒幹孰若瘁枝治河者與其枝通孰若幹通故 故枝通而幹淤若植木馬枝榮則幹瘁幹榮則枝瘁 慶五年以前析十一枝上決而不歸於邳州之幹河 議始定夫黃河有幹有枝嘉靖四十四年以前析十 两隄成各延袤三百七十里始列鋪布夫議修守如 河南山東黄河例河乃安運通萬歷元年運又大通 黄河合流防守為難然運之利也國家全籍河運往 枝上流而復歸於徐州之幹河故幹通而枝於隆 卷一百五十七

だ正可見 之所以利運者欺治水筌 守之勞而不欲事隄以永圖餉道之利又不虞河 事鏡之何當一 禹畫九州龔爲都會河流碣石以入于海兖浮濟 乎曰唯唯否否漕之籍河禹貢以來有之匪自今也 籍也然則古之防河也避其害今之防河也資其利 之易於隄廢之易決其未達祖宗之所以事 河無漕而專言河者何防河所以治漕也河者漕之 1.1.4.5 /<u>£3</u> 年廢修守哉或者欲分河以苟免修 行水金鑑 蹄 十四一 河與 分 河

金分四屋台書 往代為最難然通漕於河則治河即以治漕會河於 漕具楚其治河也匪直祛其害而復資其利故較之 亦未尝不籍于河也獨今日哉于慎 漢唐皆都關中漢漕山東栗百萬更砥柱之險以 青浮汶濟徐浮准四揚浮江漢飛浮于洛梁浮潜污 太常卿余毅中全河說云洪惟我國家定內比熊轉 渭唐漕江淮之栗由汴入河由河入洛以達于渭 入于渭雅浮積石至于龍門未有不通於河者 老一百五 ーナセ 行 河 防 覧 序 也

を自身を 為激異甚限近則逼迫難容限遠則容蓄寬廣謂樓 漕者不知水分勢緩沙停漕於雖有旁決將安用之 論議滋起于是有以決口為不必塞而且欲就決為 即以治海故較之往代亦最利遜歲以來委寄靡專 准則治淮即以治河合河淮而同入於海則治河淮 無論沮如難舟田爐成沼也是索途于冥者也又有 不如遥是貯斛于盂者也又有謂海口淺墊須別鑿 以縷隄爲足恃而疑遙隄之無益者不知河挾萬流 7 行水金銭 **九**

金分世人と言い 會者也又有 謂高堪築則泗州溢而欲任淮東注者 力所開豈能幾舊口萬分之一别鑿之說是穿明于 宜之窽者紛紛籍籍載道盈廷至于釣奇之士則又 而溶疏張以殺流引油以灌溉襲虛舊之談而惜時 患而警服工是求前于却者也它如絕流而挑方舟 不知瑕築而後淮口通淮口通而後入海順欲拯泗 之本體耳使二濟仍復故流則海口必復故額若人 口者不知非海口不能容二濱乃二濱失其注海 **卷一百五** 1

欠己の事全套 疏通緩則停滞而淤塞故以人力治之則逆而難以 理耳蓋黄河之性合則流急分則流緩急則荡滌而 議者且故好是鑿且奇哉總之不達于水可攻水之 坐失又何惑乎漕幾成陸而民胥為魚耶然諸為前 壑也嗟嗟謀室于路則三年靡成回車于岐則干里 運之說馬不知歲用民賦而又歲用民命是以民委 知既治河而又别治漕是以財委壑也又有與復海 欲舍其舊而新是圖于是有加膠睢三河之說馬不 ¥ 行水金鍋

金りゃ 决災上請事悉具兩河經界疏中大都盡塞諸決則 焰委源才諝精誠並稱絕世爰偕故右都御史江公 水力治之則順而易今太子少保潘公屢膺河寄洞 **身益深而河之赴海也急淮口益深而淮之合河也 隄瀋揚儀之淺則湖捍而渠通矣故自告竣以來河** 固矣并隄歸仁則黃不及四矣築高堰復閘壩則淮 水力合矣寬築院坊則衙決杜矣多設減壩則遥院 不東注矣隄柳浦繕西橋則黄不南侵矣修實應之 卷一百五

急河准併力以推滌海於而海口之宣洩二瀆也急 若謂胡不用潳而純用築也則築堅而水自合水合 沙之效已較然顯白矣若謂水循于分湧于合恐其 貢賦舳艫若履枕席轉徙子遺寢縁南畝蓋借水攻 用是河當秋漲而涯畛屹然准常夏滥而消耗甚速 乃使淮助河勢河扼淮勢也則合流之後海即大闢 而河自深是藏潘于築矣若謂胡不使黃淮分背而 合而湧也則隄址既遥而奔騰可恣是寓分於合矣

父ピの事を皆

.

行水金鑑

全ラビ 割開 若謂閘壩之復行李稍滯然河渠既真而行李益通 蓋河不決固自深得淮羽翼則益深是用淮于河矣 義難知也治河之事良亦類此是故排河淮非難而 **若謂河沢爲天數不可以人力殭塞故曰故道難復** 何便如之是含速于滯矣記禮者謂其數可陳也其 天儲之懿規本無庸創而自今復之是煎創于守矣 也然既塞之後河即安瀾是全天于人矣若謂胡不 Ji 1:1:1 渠而拘拘膠柱為也則二百年地紀之故道 卷一行五十

史遷氏曰甚哉水之為利害也余則曰甚哉人情之 繁騏驥之足則難望其必至縛盂賁之手則難望其 功皆聖明之功也蓋知河固難而知知河之人尤難 排天下之異議難合河淮非難而合天下之人情難 也使非聖明之併合河漕而事權歸一也其何能功 飘不如一人員而超也十夫牧羊不如一人驅而走 為利害也故今日之功非當事大臣暨余等諸臣之 知河之人固難而任知河之人尤難語曰千夫與

次 三四車全書

行水企鐵

金りせん 功 能功張鵠以行賞然後人罔不射計程以齊足然後 功空柯無刃則公輸不能以斷虛舊乏粒則易牙 敢踰使非聖明之嚴懲墮窳而凛莫可干也其何能 能功干仭而坡則牧豎陵其阜數尺而峭則棲季不 **廢馳驅使非聖明之不惑浮言而私撓必點也其何** 泌 **蜚蝗蔽天則農稷不能善稼奔腳曳縣則王造亦** 敵使 以炊使非聖明之破格折允而大費不怯也其何 とうして 非聖明之寬假便宜而不從中制也其何能 を一百五十七

出而更張 行之期于勿壞勿以事既即安而玩惕勿以功非 之必行真識體之論哉後之治河者其尚仰體君 此善乎部疏有云其本在明良之相遇其機在賞罰 此橋不立預曰非陛下聖明不成今日之功良亦類 任人圖治之心俯營河臣嘔心腐舌之意相與踵而 何能功昔晉富平津河橋之成武帝謂杜預曰非 人罔不奔使非聖明之綜覈明允而微勞必錄也其 如周郊之有陳畢終始協心如漢法之有 卿

实定四華 全書

13

行水金钱

金グロ 作左契馬河防一 斯豈非國家甚盛隆事哉余謹不嫌侈大贅筆于簡 年靈長之作同垂罔極也斯豈非國家甚盛隆事哉 蕭曹寧一 業黃水自崑崙入徐邳歷桃宿至清口會淮而東入 築之功必先求古人已試之效而後可做其平成之 當謂治河者必先求河水自然之性而後可施其疏 於海淮水自桐栢入鳳睢歷盱泗至清口會河而東 11 作領如此則漕河之允翕當與國家億萬 銅陵人萬歴 覧 卷一百五十 甲戊 毅 4 進 字子轨 ቷ

欠足囚事、全馬 其始事慮准水漲溢東侵淮郡也故築高家堰隄以 漕江南之粟由楊州直北出廟灣入海至國朝永樂 此 起至徐州計六百餘里又四十里而至鎮口矣糧艘 以南自山陽起至瓜儀計三百餘里淮以北自清 年間平江伯陳瑄始提管家諸湖通淮河為運道淮 入于海此两河之故道即河水自然之性也故元歳 此平江陳公獨為注念而矢謀以裡國計者也方 入鎮口則運事可冀保全自古餉道之便無適於 行水金鑑 河

金发电压 横亘西南而淮水無東侵之患矣又應黄河漲溢南 捍之自新荘鎮起至越城止計一萬八千一十八丈 受其賜此古人已試之良規也為今之計惟在修復 悉由五壩車盤是以准郡晏然漕渠永賴民到于今 侵准郡也故限新城之北以捍之起清江浦沿鉢池 衝入不免泥淤也故嚴啟閉之禁止許漕艘鮮船由 山至柳浦灣而黃水無南侵之患矣尤慮河水自閘 閘出入匙鑰掌之都漕五日發籌一放而官民船隻 と一百五十七

明矣試自興鹽進東擇其便利之所如白塗河石硅 自消由斯以譚欲得上流之沛達必先下流之疏通 之治水只從低處下手下面之水盡殺則上面之水 所受下有所洩而餘水易達於海則與鹽泰之水有 東北開涇河口潘其壅於關其窄監使河深廣中有 口廖家港等處條為數河分門出海然後從下流而 平江之故業而隨時斟酌之可也宋儒朱子有言禹 一将高郵北界開清水潭實應南界開子嬰溝山陽

次定四車全書

行水金锰

鹽河則分洩之路既多潰決之患可免即使伏秋暴 間也由斯以觀則河水之行非氾溢四出明矣試將 張不能為災自淮以南之運道可永保其無虞也傳 儀真五壩開五閘口灣頭閘旁增置一壩令入通泰 西來水多一時宣洩不及再於瓜洲十壩開十閘口 所歸宿而髙寳之水次第東行矣如是則汜光諸湖 曰水由地中行江淮河漢是也釋者曰地中兩崖之 可令虚腹而武墩周橋高澗之水容納有地矣倘慮

かりせ

人とこ

卷一百五十七

欠已日事全套 戎家口新衝口黄堌口義安山口盡行堵察使全河 清河之安娘城增建減水壩三座如水髙於壩任其 浮橋入正河則水合力强積沙自去河不潺而深矣 惟 宣洩水與壩平任其停蓄則下流疏通上流利達不 之水悉歸故道或如萬歷二十五年故事引水從小 水壩四道外另於呂梁上洪之磨臍溝桃源之陵城 如慮霉雨爲澇黄水溢決除崔鎮徐昇季太三義减 两院可保而正河亦無壅於自淮以北之運道可 1 行水金錫 Ť

金罗巴匠 急勢乃中潰故古之治水惟曰疏曰為曰排曰決未 永保其無虞也議者謂河水溢決病在兩限束水太 求為良策乃與築院之議蓋祭院所以東水東水所 生又其次也治之者去其害且虞你去其利留其利 開築限而反障之也殊不知古之治河者去民之害 且資之以為利一則環帶陵寢一則灌輸漕餉而民 而止故可疏可渝可排可決隨勢利萬不與水争今 又虞你留其害利與害相倚去與留相持展轉圖維 卷一百 五十七

侵增編禦寒則寒不能入自然之勢也故在遥隄之 使異常泛漲縷隄不支而溢至遥隄勢力淺緩容蓄 敗決裂茫無下手而于祖陵運道民生胥失之矣嗟 **内則運渠可無淺阻在遙隄之外田爐亦免淪沒雖** 寬舒少復歸清不能潰出歷之重門待暴則暴必難 徐抵淮两隄相望蜿蜒綿豆勢如長山挾河中行即 嗟遥縷二隄之設先臣卓有深見非可易視之也自 以刷沙計無善于此者若散漫無制任其所之則潰

次至四東全華 一

行水企鑑

Î

金りゃ 雅浮沙而不能久也限之制未係耳議者不咎制之 決限為害何哉畢薄而不能支也迫近而不能容也 **縷院之無處而能保其至遥院即止當考弘治以前** 明驗也頻年以來無日不以繕隄爲事亦無日不以 帶增築太行限一道而張秋之患遂息此其已試之 張秋屢塞屢決先任都御史劉公大夏將黃陵岡一 不能保河水之不溢而能保其必不奪河固不能保 未備而咎築院者之為下策宣得為通論哉築限之 ガノニ 龙一百五十 去之即况一堰之間三開溝澗自足洩水其與拆堰 **渰咎在髙堰遂上疏極言堰之爲害欲盡撤髙堰而** 亦從此大損矣然則堰亦何員於治河者而諄諄欲 躡其後與之俱南不惟運道既傷而祖陵合襟王氣 寶以下盡為池沼且淮水大洩力不能控黃萬一黃 後可殊不知髙堰一去淮水南注峻若建瓴山陽髙 而不與争地斯院於是乎可固也議者又謂四陵水 法必真土而勿襟浮沙必髙厚而勿省工力必讓遠

火足日報全世 獨

行水水銀

F

食りピアノニ 時天威震赫臣下憂危總河楊公一時分黃洩水使 出者猶安然如故則運道原不相妨無容别議若清 准水通流而泗水尋即消减總之急君父之難而他 河之開得非添足之蛇乎余曰不然當祖陵済浸之 同也發言者特未之思耳議者謂黃不兩行黃壩新 非所計也今黃水從新河行者若湍急如初由清口 前議鮑王決口建立問座似不可已運船從此入口 口日漸淺溫而新河浩蕩奔騰則有奪正改移之勢 老一百五十七

土於則止建一減水壩以備淌溢不必重溶復費工 轉入新河以就正道此總河公初意也若新河勢緩 力也凡此皆黃淮之大較運道之坦途亦治兩河者 之要法其他如儀真東關等淺歷石人頭揚子橋三 時加修築或葺舊工或級新址或因高阜或填窪下 壞黃浦決口髙堰限埂均應修理清江浦長限平薄 柳浦灣至髙嶺舊院塌損桃清邳宿兩岸遙緩二院 汉河直抵髙廟止一帶運河於淺寶應一帶湖隄 地

次定四車全書

, 小金纸

1

決則衝漕力專准不旁決則會黃力專准黃既合則 臨時區畫隨地制宜非揭管者所能彈述也張兆元 行水金鑑卷一百五十七 吾言矣張北元两河指掌 此正以水治水行所無事之智也雖神禹復起不易 控海力專河不必關而沙自刷海不必據而水自深 曰當今運道其籍力准黃二濱不淺矣若令黃不旁 一次第舉之則運道通行自垂永利此在當事者 老一百五十十

欽定四庫全書 てこう 一日 ハス・ラ 灤運又罷專出 那溝入淮沂河以達 會通河故河水 東南行以濟漕運故河患時時有之自海運既罷中 找朝黄河之役比之漢唐以後不同逆河之性挽之 不得如禹貢故道入北海而河之東南行者又分數 行水金鑑卷一百五十 两河總説 行水食塩

臨清又防決濟寧又防決徐州又防決潁壽以犯鳳 之防河自底柱而下行於平地既防決大名又防決 容勢必橫溢而決決而東南有山限関爲禍不大決 道蓋自經汴以來支流益海南出二道皆徑入淮東 南出一道東出五道皆入漕河弁入於淮乘淮入海 不通宋時澶州一決灌壞州縣數十爲禍不小况今 而東北非東昌則河間等處故往歲張秋潰決運道 **令數道皆塞止存沛縣一道河流大而所受狹不能**

多分四月子言

こしゃ ひゅう ハス・シ 陽又欲遏其流不南出不北走循我運道而接江淮 宿遷二道正東出徐州小浮橋溜溝二道擇添一 為今之計盛都御史新河之役不可全謂其無功也 財矣隄客於田畔地破於潰瓜及今不處禍未已也 以少殺其勢少分其流可也或修武城以南廢堤以 **顧其喜功無漸程役太嚴又忤安仁遂爾中止今猶** 之册此其計誠難也今河南修河之役盡民力竭民 可復也或於汴西瀋孫家渡一道汴東南原出懷遠 行水金鍋 一道

金分四月子書 色海豐以至天津可也或云登萊外洋有白達頭水 東吳之說或於淮口入海遠出登來大洋經海倉昌 大洋之險宜考禹貢碣石入河沿江入海海運之說 防豐沛漫流或修築沛北廟道口堤以防新決河口 有官緑大洋黑水大洋又有礁石之險則由淮之清 及泰時起瑯琊負海之郡之說唐人雲帆遼海糯稻 可也或講求海運之法即不能如國初婁淞開洋歷 口入海達出東陬山風帆一日夜可達青州安東衛 卷一百 五十八

便易也又自海倉一夜便可到天津蓋相去三百里 **篙師枪工皆安東人商買時時往來由安東衛風帆** 山折而西出登州北海始達海倉不若由膠河之為 避東海數千里之險者蓋膠之東南出即墨鰲山成 也東為膠東西即膠西也相傳勝國時亦當潘此以 新河可二百四十里至海倉復入海新河者即膠水 **今私舶往來遠出山後未當有覆沒者既至膠州入** 三日可達膠州其間惟石臼島唐島二山頗大而險

らんろうまれるまる 一人

行水金鑑

金字にたんでも 今天津海倉間人販易載小艇乗月夜往來也所謂 新河者原出髙密界中大水泊南北分流南新河流 補臺陽信鹽山慶雲滄州追東皆平行斥鹵之地可 陵之險如昌邑維縣壽光樂安博與濱州利津海豐 海倉有大舟載米麥可三五百石意即古者運青菜 合流始大夏秋為甚南至膠州東界北即海倉巡司 之粟由海入薊之處也自海倉至天津海濱更無山 人南海北新河流入北海雖出髙密亦由諸野川 卷一百五十八

欠百日中心 豐沛可憂也江北有警邦溝上下可憂也故海運之 臨清正德劉齊之亂運船煨燼者五六千艘此往事 說亦不可不預為之計正統額森之難喜寧道之據 見矣河北有警臨清濟寧可憂也淮西北有警清口 萬里而來禹導之自積石龍門蓋特遡其流入中國 從古治水稱神馬禹治水首黃河黃河自崑為發源 明徵今直恬然謂無事耳憂國者宜有先事之防矣 說也隆萬泰天以至明亡言新河者皆本此鄭晓吾學編餘 是又一丘文莊海運之利之 /se 行水金號

金ケビアノコー 經孟津河南府孟津縣過洛內睪縣至於大任爲大 陰縣自南而東至底柱在河南陝州之三門山又東 西因其廻流之性而慕之又南而至華陰在陝之華 山石勢崇竦其流激震禹治其北鑿龍門分殺其勢 用故論禹治水慕河斷自龍門積石始河從積石東 北而南計三千里至龍門為西河龍門在冀州呂梁 之始以爲肇端後人必追窮河源好博矣而不適於 名府瀋縣臨河之山北過洚水爲真定冀州北枯降 卷一百五十八

欠足可報心旨 徒駭等八河故道皆在河間滄州南皮東光慶雲獻 是為禹之故道禹之載河禹地以入海蓋自河陰始 縣山東平原海豐出寧津具橋南皮諸處直達東海 河陰以西之故道終古不失以東入海之故道後世 迎之以入於海簡潔一水九河其一則河之經流也 渠至於大陸屬中山郡今真定那趙深三州之地北| 分其勢構為九河復同聚一處而為逆河逆迎也蓋 失從此泛濫南下四出於冀豫究徐之區其勢不 行水金锰 Ь

金厂区居台营 清豐一 時 時決酸聚東清金堤在河南延津滎陽諸縣至大名 今清豐縣又決濮陽都子口開河界注鉅野屬濟寧 今髙唐州舊屬清河郡成帝時決東郡金堤決平原 可勝窮矣周定王五年河徙於礫始失故道漢文帝 渤海清河髙唐州一帶信都今冀州界唐元宗時 決館陷舊屬大名今屬臨清又決清河靈鳴續口 即大野通淮泗蓋河始與淮通尚未入淮也元帝 一帶延亘干里武帝時溢平原屬德州徙頓丘 W

記れる可見という 宗時決冀州棗强大名州邑一合南清河以入淮 靈河澶淵太宗時決温縣滎澤頓丘泛於澶濮曹濟 諸州東南流至彭城界即今徐州入於淮自此爲河 魚池宋太祖時決東平之竹村開封之陽武大名之 決博州今東昌溢魏州今大名冀州五代時決鄆州 諸州邑浮於徐濟而東入淮仁宗時決開州館陶神 今郸城縣博之揚劉今東平之東阿縣揚劉鎮清之 准之始真宗時決鄆及武定州尋溢清澶濮曹鄆 W. 行水金锰

金为四月子言 壽毫蒙城懷遠之間元初決衛輝之新鄉開封之陽 道而河逐與運相終始矣蓋至元以前河自為河治 專議疏塞而已自至元二十六年開會通河以通運 武化縣之蒲口裝澤之塔海莊歸德封丘諸界其時 受河患其亡也始自開封北衛州決而入溫河南直 合比清河以入海南渡後河上流諸郡為金所據獨 較難至正初河決白茅金堤等處瀕河郡邑皆罹水 之猶易至元以後河即兼運治河必先保運故治之 卷一百五

欠らりをいるす 樂時歲為決徒修築限防民困國敬至九年決益甚 洪武中決陽武東經開封城北五里又南行至項城 作河防記略其法制工用為世取法明洪武元年河 故道五月功成命翰林學士歐陽玄製平河碑文並 經顏上東至壽州正陽鎮全入於淮故道逐淤至永 決曹州雙河口二十五年河決原武會通河於河自 两漕司鹽場用都漕運使賈魯言挽河使東行以復 患水勢北侵安山沿入會通河延表濟南河間將壞 行水金鑑

金分四月子言 事定於是運必借黃欲通運不得不先治黃也正統 北道魏家灣與土河相連開二小河以洩之有溝渠 議審黃河故道尚書宋禮加潘會通河用老人白英 支流從汴城金龍口至塌場仍合會通河以入淮漕 壽張之沙灣接舊河以免陸運之製侍郎金純尊河 南旺之北者開新河自汶上表家口左徙二十里至 於衛東北岸通黃河可直至海豐者如舊其南道在 計改從南旺分水遏泛北合漳衞遏泗南入沂淮其 卷一百五十八

徐有貞承命以都御史往治之作制水之間疏水之 陽武封丘祥符陳留杞縣蘭陽儀封考城曹縣寧睢 中年分流為三其大者切近汴堤西北隅合沁河泛 更北出而濟漕渠之涸弘治三年決陽武河自原武 渠而河流之旁出不順者則堰之水遂不東衝沙灣 無罪景泰三年又大決沙灣近河地皆沒翰林侍 潰沙灣東堤奪濟汶入海路以去諸水俱洩壞民廬 十三年河決新城八柳樹漫流山東經曹濮衝張秋

足世の臣 とこう

行水金强

多分 南 於昻乃築北堤以防張秋之衝激衛諸郡之泛濫葉 清下衛河延患於德滄與青縣静海天津始入於海 集決孫家口漫長垣曹濮鄆城陽穀壽張東昌至臨 歸虞永夏碣蕭而下徐淮其次者横流封丘之于家 郎白昴治之河倏北徙去汴城三十里金龍決口 其故道自汴城西南杏花營入渦河者則淤澱矣侍 又其次者自中年南下尉氏雖稍成川不通舟楫 四月全書 河自原武中年下南頓至潁州由運山達於鳳陽 卷一百五 自 至

1

灭江四軍全 容復自魚臺歷徳州至吳橋修古河堤自東平北至 決口三十六疏月河十餘使由河入汴汴入睢睢入 艘商舶之行利隨河修堤二千餘里隨堤植柳百萬 故道合淮以入海又於東平州戴家廟及徳州之南 餘株又瀘萊蕪諸泉二百八十餘處以濟漕河南塞 盈則浅之海而東究徳滄之患紓縮則蓄之河而漕 泗泗入淮以達於海又以河南入淮非正道恐不能 帶多鑿裏河每河口各建減水閘以節運河之水 行水金鑑 t

を グロブノニモ 源於孫家渡口開七十餘里濟祥符四府營於河 運不失及冬水落始為塞決計乃親行相視潰決之 手軟覆獨時記言沸騰疑河不可治應復元海運大 復決張秋東堤百丈漕舟一經決口挽力數倍稍失 夏於西岸稍南鑿月河長三里許引舟次第以濟崴 大夏治之謂宜疏治上流黃陵岡孫家渡工方與而 海弘治五年決張秋入漕河與汶水合食都御史劉 與濟鑿小河十二道引水入大清河及古黄河以入 卷一百 五十八

減水壩以殺衝醫自春祖夏張秋之決塞賜名安平 里曰太行堤自金龍口起于家店及銅瓦箱東橋抵 鎮九年考城縣境東來水勢徑衝賈魯河曹縣梁靖 守必復至張秋為漕患相地於舊決之南一里許為 小宋渠凡百六十里曰新堤又以兩堤綿遠河或失 水南下由徐淮故道自武陵屬之楊沛凡三百六十 口出徐州運河支流既分水勢漸殺為築兩長堤感 十餘里以達准疏賈魯舊河四十餘里由曹縣糧道

欠 巴甲 五 去

100

行水金盤

延发 电压力管 當因故道而分疏之若運道則宜於昭陽湖東岸獨 漕 書胡世寧疏言河自經汴以來新舊分疏六道皆 城武楊家口衝雞鳴臺阻運尤甚下廷臣議刑部尚 南接留城北接沙河口二處舊河應止百四十里隔 山新安社等處擇其土堅無石之處另開新 四 口水溢大堤遂於賈魯河東岸築小隄以馥之正德 年河決曹單八年復決黃陵岡嘉靖六年決曹單 河而總南入於淮今聞諸道皆塞止存沛縣 琴一百五 河 道 道

ここうる 出昭 至徐沛數百里運道命劉天和督浚時議紛紜或 水争地者七年後決徐沛漕渠不通詔舉才幹大臣 請疏趙皮寨以殺河勢慕之亳四歸宿以 31 罷役奪職嘉靖十二年河決亳泗歸宿等處於濟寧 昭 治之衆推御史盛應期奉命單車就道親詣相度 陽湖 黄 陽 . . . · 河便或謂浚漕河便天和躬親 湖在 左新渠一百四十餘里以通漕垂成務與 外以為河流漫散之區是則所謂不 行水金额 相度自趙皮寨 入淮 别 與 謂 開 73 詔

|多定四厚全書 東流故道淤一百二十餘里而至梁靖又自梁靖岔 用沒河扒沒南旺於淺以免盤剥築曹單長提以防 河口東流故道淤二百七十餘里始至殼亭遂定計 衝決植柳株以護堤岸沒月河以储霖潦建減水閘 東諸泉入之洪沛以南障之堤如會通河制運即通 理以旂特言所資河者以濟運也河今南徙第疏山 雕 司蓄洩置順水壩以東浸流運道暫復十九年決 州 野雞岡經渦 入淮二洪大涸命侍郎王以旂督 失

成三十一年決房村三十七年河北徙新集於而為 渠 陸者二百五十餘里視故道髙三丈有竒河分流弱 新渠循渠之東湖曰昭陽河從西來匯之其勢遂絕 舟行树杪力無所施得鄒縣章時鸞新渠規度遂開 南京刑部尚書朱衡食都御史潘季馴協治之既至 離為十一河南山東徐邓皆苦之四十四年河決 矣於是開李景高支河一道引水出徐濟洪八月而 而左故情渠不可復而新渠在湖之東河即横決 いく

となりいる

行水金鑑

得 處上源衙言上源之議可罷惟廣開秦溝使下流通 是河決沛縣議者欲復古道從事於新集郭貫樓諸 行修築長堤以防奔潰乃鑿舊渠深廣之爲閘八滅 至境山五十三里隆慶元年開廣泰溝以通運道先 苦明年 新渠成南陽至留城百四十里 硫舊渠留城 里早則資以濟漕潦則洩之昭陽湖運道盡通是 湖而止乃決策往廬於河畔 閘二十壩十二堤三萬五千二百八十丈石堤三 撫循十萬泉與同 甘

多万四月子書

ここうう 名夏鎮河於是河專由泰溝入洪夏五月山水縣派 街坍幹 餘寶應湖堤崩壞山東苦知諸處水溢從沂河直 城西於者三十餘里決方信二壩出海平地水深丈 運道俱由新河矣隆慶三年河水溢自清河抵淮安 區處遂經理挑築薛河沙河各支河堤壩以資蓄洩 河不必議 郅 州) ide 河石壩壞糧艘議復譯然給諫吳時來言舊 山東巡撫洪朝選疏言黄河出口之處必多 惟新 河所受上源山水宜亟疏潺仍詔 行水金鑑 衡 河

致定匹库全書 尊之方四年河決邳州自睢寧白浪淺至宿遷小 然後可容其萬里遠來之勢請開支河以為宣洩利 言治邳河閼阻之策有三一開加河一就新街 專在徐邳故先欲開加口河以遠河勢開蕭縣河 督翁大立言遍來黃河之患不在河南山東豐沛 殺河流詔令天立躬自相度條其利害以開復上疏 口於百八十里溺死漕卒千人失米二十餘萬石總 古道五年河決雙溝北決油房曹家青羊諸口南決 E. 花一百五十八 一復 ハ 而

關家曲 城 十里而 馴 集大枝間冬初水落則幹已平沙而枝復阻淺遂 諸口凡十一枝流既散幹流遂微乃於自匙頭灣 棄黃河運而紛紛及於膠河加 以漕舟壞被刻去六年河決邳州運道阻朱衙於茶 南北築兩隄以防河水之出入北堤自磨臍溝 開匙 頭集馬家淺閆家張擺渡王家房家白浪淺 頭灣塞十二口大疏八十里故道漸復已而 河變又極矣議者欲棄幹河而行舟於曲 河海運乃復起潘 頭

欠戶可事全套

Ų

行水金銀

金厂口 **裘三百七十里運艘東於河流設軍民守之河流乃** 隻哨船三隻漂沒糧米五千石淹死運丁五名隨罷 安萬歷元年黃河水平先是運道多梗户科賈三近 邳州之直河南堤自離林鋪追宿遭之小河口各延 海運專行河運二年黃河沙於海口決房村傅布擊 家堰東決徐邳以下至淮南北漂沒干里總漕呉桂 試海運至山東即墨縣福島異常風雨壞糧船七 開加 Ŀ 7.1. J. 河不果行三年河從崔鎮等口北決淮從高 百五

髙家堰通而不塞两者為病益髙堰決則淮水東黃 專事雲梯為便又上言今日之河雲梯開塞而不通 專疏海道講求提徑如草灣及老黃河皆趣海不必 髙寳遂不可收拾矣國家轉運惟知急漕而不暇急 **芳上言准揚洪潦萬民號泣蓋由濱海汉港歲人道** 水隨躡其後清口塞而堰內皆住址陸地其洩不及 民故朝廷設官亦主治河而不知治海請另設一官 埋入海惟恃雲梯一 徑至海擁横流盡成泥溢鹽安

大三日日日 人

行水金鑑

金岁世是台重 清口之年故泗州之水弁聚矣塞髙堰所以通清 堰崔鎮決口循然未塞運道沮梗議者謂諸缺口當 見深刷亦可免壅潰之患矣六年復起潘季馴時 流涓滴皆由正道干里之内民業可安海口河身日 自易黃浦既塞則與寶鹽城田地盡出自茲兩 而洩泗州之水也又高堰塞黄浦上游則黄浦之工 勿塞别開支河殺水而沒海口以通之季馴則謂 潮汐往來隨後而亦隨於惟導河以歸之海則導 卷一百五千八 河横 P

というる から 旁決水入地益深則治防即以導河也若令河決土 河 必 流固宜用疏今下流之決但欲其疾赴海而害祛豈 長垣等處禮科王士性言宜復河故道居敬謂故道 淮 難復議開柴家營支河尋諸決口皆塞而於者復疏 命張居敬踏勘黄河時河漫流開封封丘縣及東明 即以浚海而導河未易以人力惟慎固隄防使無 水畢趨清口會大河入海二口不沒得通十五年 疏哉於是築堤堰自徐抵淮六百餘里南北兩 行水金鐵 Ļ 提

疏 求故道築堤東水偕水衝沙為主是年有條議河道 沙 增砌石堤 臣 水泛起髙於城溺人無筭季馴上言人欲棄售為新 十三年四水為患總河楊一點疏言分黃導淮明 十六年復起潘季馴督理河道十九年泗州大水淮 不可分霖雨水漲久當自消季馴三仕三已一以 謂故道必不 放水於平内地 **浚河避湖諸事並於運道民生有利二** 可失人欲支分以殺其勢臣謂濁流 接築選堤一 增支渠大堤 耳

金万四库全書

告 色永城經宿之符離橋出宿遷新 由岔河下涇一由草子湖寶應湖下子嬰溝俱通廣 良澗減水石閘子嬰溝周家橋減水石閘洩淮水 閘洩淮水由永濟河達涇河下射陽湖入海又建髙 黄水入海以柳黄强闢清口沙七里建武家墩涇河 開 洋湖入海二十五年河大決單縣之黄堌口溢於夏 桃 涸楊 源黃壩新河自黄家衛起至五港灌口止分洩 魁大挑李吉口以挽黄流謂黄烟口深淵 河口入大河二洪

欠らり目という

行水金鑑

‡

金分正是台書 决塞以回全河而用之哉三十年于黄家口漲衝魚 歸灣活觜以受黄水救小浮橋泗上之涸因繪河圖 難塞議浚小浮橋築小河口功成東利運尋久旱運 運以汶泗沂兖之水建閘節宣運道自裕何必彈力 前所開加河遺跡喟然與數遂專力浚成之於是運 單豐沛三十一年特用李化龍偏行淮徐鳳泗問 上言謂小浮橋股引之水李吉言未斷之流已足濟 河澀而河又決義安東壩一魁乃議沒黃烟口及上 得

艘通行昔稱過洪今稱過淮為出險美按開加之議 脁 始共費成出奇道以避至險迄今運道無阻開加之 侯家灣梁城通加口遂可行舟然總未能通達至是 引湖水注之加始啓厥緒二十六年中丞劉東星鑿 建議詳明未得允行二十年中丞舒應龍於韓家莊 始自隆慶年間中丞翁大立萬歷三年中丞傅希挚 蓋亦係哉然東南之漕自清江浦出口 源經宿遷從董溝口入駱馬湖而抵加 由清河 河尚有

欠足四軍 全馬

行水企组

金りせ 與水爭衡置纜中斷前船横下後船互相磕撞官儲 利運者不尤急於治黃也哉天啓六年總河李從心 百八十里假道於黄河雖河伯安瀾不受其害不 民命須史歸之逝波風急浪高竟日不能移一舟前 百計一夫工費動以數錢窮旗典獨以償官夫人力 以運舟過宿遷淺劉口磨兒莊等處一 阻後壓干艘等待乃自馬頰口起下至陳瑶溝止另 非黃與運究相終始也然則治黃者固先保運 卷一百五 船挽拽夫以 可 而

徐 挑 湖 十萬其鑿處皆河故道尺許下皆沙挑掘成河沙落 年駱馬湖淤加河運道中阻總河 私幇拽之費遂省漂荡磕撞之虞亦遂以杜崇禎八 至駱馬湖之淤適平仍專行加河柴嗣被逮然駱馬 河 間 坎數四引黃水注之沙隨水下為淺為澀明年漕 州别鑿新河分黄水注之通運計二百餘里費五 一河計程六十七里運船改從陳口諸溜遠避 於此河亦可行舟其功不容盡冺 劉榮嗣自宿遷至 漕運一 ひ 河

SIND TOTAL STATE

行水金鑑

金灯四层台雪 河 油口 嗣遂有别鑿新河之舉而究無成功是縣馬湖乃必 逼之使北也運河經宿遷入董家口由縣馬湖進加 黃流水大不得已為減水之策亦宜疏之使南不宜 經之要路也通年黃河身高黃水倒灌縣馬湖每至 急壞舟改從陳家口進駱馬湖及至駱馬湖於劉榮 近黄未有不受其害者故避之務遠防之務至即使 此開 河以南勢不得不借黃以達淮而閘 加後初制也後因淺劉口磨兒莊等諸溜水 河以内茍

欠足四車全 先格而難行耳并識臆見以備采擇山東全河備考 河 於恒謂莫若即於縣馬湖東岸近馬陵山脚 於淺議者必將別開 設閘以司啓閉使黄水之沙不得倒灌而入則永 可無淺於之患但恐需費浩繁猶之泇河未成之 行水金编 河以達加河始得避縣馬之 陽出